

Galicia Encantada



ANIVERSARIO
2005 * 2025
Enciclopedia de Fantasia Popular de Galicia

Literatura oral

[conto] O Outeiro da Pedra Furada

No Outeiro da Pedra Furada,
había un bacelo que a vella plantara.

Veiu a cabra e comeu o bacelo,
do Outeiro da Pedra Furada
que a vella plantara.

Veiu o pau a bater á cabra,
porque comeu o bacelo
do Outeiro da Pedra Furada
que a vella plantara.

Veiu o lume e queimou o pau,
porque batera á cabra,
que comeu o bacelo
do Outeiro da Pedra Furada
que a vella plantara.

Veiu a auga que apagou o lume,
porque queimou o pau,
que batera á cabra,

que comera o bacelo
do Outeiro da Pedra Furada
que a vella plantara.

Veiu a vaca a beber a auga,
porque apagara o lume,
que queimou o pau,
que batera á cabra,

que comera o bacelo
do Outeiro da Pedra Furada
que a vella plantara.

Veiu o boi e matou a vaca
porque bebera a auga ,

[que apagara o lume]*

que queimou o pau,
que batera á cabra,

que comera o bacelo
do Outeiro da Pedra Furada
que a vella plantara.

Veiu o lobo e comeu o boi,

porque matara a vaca,

que bebera a auga,

que apagou o lume,

que queimara o pau,

que batera á cabra,

que comera o bacelo

do Outeiro da Pedra Furada

que a vella plantara.

Veiu o cazador e cazou ó lobo

porque comera o boi,

que matara a vaca,

que bebera a auga,

que apagara o lume,

que queimou o pau,

que batera á cabra,

que comera o bacelo

do Outeiro da Pedra Furada
que a vella plantara.

[Conto recompilado pola alumna Débora Fariña, do CEIP Santo André de Xeve, Pontevedra, do seu tío Paco de Verducido]

[...]* Verso que non figura na versión orixinal e que engadimos para que a cadea acumulativa se manteña.

BIBLIOGRAFÍA

FONTE:

O SOL DA MIÑOTEIRA, nº 16, Revista do CEIP Santo André de Xeve, Pontevedra, Semana das Letras Galegas 2005, páx. 41.

COMENTARIOS ENVIADOS

Pareceume moi interesante porque eu lle queiro ensinar a miña filla a literatura galega e esta páxina axudame moito, grazas Galicia encantada!

Enviado por María de los pilares viscalla o 14/12/2017 ás 13:03:03